

Supplement No. 36

18th September, 2015

SUBSIDIARY LEGISLATION

to the Gazette of the United Republic of Tanzania No. 38 Vol 96 dated 18th September, 2015

Printed by the Government Printer, Dar es Salaam by Order of Government

TANGAZO LA SERIKALI NA. 409 la tarehe 18/09/2015

SHERIA YA SERIKALI ZA MITAA (MAMLAKA ZA WILAYA)

(SURA 287)

SHERIA NDOGO

Zimetungwa chini ya kifungu cha 153

SHERIA NDOGO ZA (HIFADHI YA MAZINGIRA) ZA HALMASHAURI YA WILAYA YA CHEMBA ZA MWAKA, 2015

- | | | |
|----------------------------|----|---|
| Jina na mwanzo wa kutumika | 1. | Sheria Ndogo hizi zitajulikana kama Sheria Ndogo za (Hifadhi ya Mazingira) za Halmashauri ya Wilaya ya Chemba, 2015 na zitaanza kutumika baada ya kutangazwa kwenye Gazeti la Serikali. |
| Eneo la matumizi | 2. | Sheria Ndogo hizi zitatumika katika eneo lote lililo chini ya mamlaka ya Halmashauri ya Wilaya ya Chemba. |
| Tafsiri | 3. | Katika Sheria Ndogo hizi isipokuwa itakapoelezwa vinginevyo: |

“Afisa mwidhinishwa” maana yake ni Afisa Maliasili, Afisa Kilimo na Mifugo na Afisa yeoyote wa Halmashauri atakayeteuliwa kusimamia utekelezaji wa Sheria Ndogo hizi;

“Eneo la Hifadhi” ni maeneo ya milima, maeneo ya vyanzo vya maji, hifadhi ya misitu, miteremko na maeneo mengine ambayo yatatangazwa na Halmashauri kuwa ni maeneo ya hifadhi;

“Halmashauri” maana yake ni Halmashauri ya Wilaya ya Chemba;

“Hifadhi ya Mazingira” maana yake ni utunzaji endelevu wa ardhi, mimea, hewa, viumbe hai na visivyo hai na vyanzo vya maji vinavyozingatia masharti na maelekezo yatakayotolewa na Afisa mwidhiniwa chini ya Sheria Ndogo hizi au Sheria nyingine yoyote;

“Kiwanda” maana yake ni jengo au kundi la majengo au eneo ambapo vitu vinatengenezwa;

“Kuvuna misitu” maana yake ni pamoja na kufyeka, kukata au kung’oa miti, visiki;

“Maeneo ya malisho” maana yake ni pamoja na sehemu zote ambazo zimetengwa na Halmashauri;

“Maji” kama ilivyotafsiriwa katika Sheria ya usimamizi Mazingira Na. 20 ya mwaka 2004 ni pamoja na maji ya kunywa, ya mito, vijito, maji yanayotiririka, yaliyohifadhiwa, yaliyo katika visima, mabwawa, mifereji, madimbwi, maziwa, maji yaliyoko chini ya ardhi na maji yaliyoko katika mkondo;

“Mazao ya misitu” maana yake kama ilivyotafsiriwa katika Sheria ya Misitu Na. 14 ya mwaka 2002 chini ya kifungu Na. 2 ni kitu chochote kinachopatikana au kuzalishwa kutokana na miti, mazao yanayoota au kupatikana msituni, ambayo ni pamoja na mianzi, magamba, mkaa, kuni, miti, fito, mbao, mbegu za miti, nta, asali, utaa, matunda, upapi, majani ya kulalia wanyama, majani, mizizi, gundi, utomvu, maranda matete, kamba, makuti mawale), nyuzi za wanyama, mimea (miti) na kitu

chochote chenye uhai au kisicho na uhai kitakachotangazwa katika gazeti la Serikali kuwa ni zao la msitu;

“Mazingira” kama ilivyotafsiriwa katika sheria ya usimamizi wa mazingira na.20 ya mwaka 2004 yanahusisha maumbile halisi ya wazungukao Binadamu ikiwa ni pamoja na hewa, ardhi, maji, tabia ya nchi, sauti, mwanga, harufu, ladha, viumbe hali za kibiojia za wanyama na mimea.rasilimali za kitamaduni na masuala ya uchumi jamii na inahusisha mazingira asilia na yaliyoundwa binadamu na jinsi yanavyoingiliana;

“Mfugaji” maana yake ni mtu yejote anayejishughulisha na ufugaji mifugo katika eneo la Halimashauri;

“Mkurugenzi” maana yake ni Mkurugenzi mtendaji wa Halimashuri ya wilaya ya Chemba na ni pamoja na Afisa yejote wa umma atakayeteuliwa kutekeleza majukumu ya Mkurugenzi;

“Mifugo” maana yake ni mnyama yejote anayefugwa na binadamu;

“Misitu” maana yake ni eneo la ardhi ambalo limefunikwa angalau kwa asilimia 10 ya miti, uoto wa asilia au iliyopandwa, au asilimia 50 au zaidi, ya vichaka na miti inayoota upya ambayo itajumuisha aina yote ya misitu ya hifahi ambayo itatangazwa chini ya sheria ya misitu Na. 14 ya mwaka 2002 na mazao yote ya misitu ikijumuisha majani na nyasi ndani ya eneo la Halmashauri;

“Uchafu hatari” kama ilivyotafsiriwa katika sheria ya usimamizi wa mazingira ya mwaka 2004.Maana yake ni kitu chochote kigumu, chenye majimaji, gesi au taka zitokazo viwandani, au mafuta machafu,ambayo yanaleta athari za kikemia,kwa binadamu, au mazingira;

“Uchafuzi wa Mazingira” kama ilivyo katika sheria ya usimamizi wa mazingira Na.20 ya mwaka 2004 ni mabadiliko ya hali ya hewa ya moja kwa moja au

yasiyo ya moja kwa moja, joto, kemikali, biolojia, au zana za mionzi katika mazingira ambayo zana hizo zinafanya kazi au kutoa harufu mbaya, mrundikano wa taka ambazo unaathiri watumiaji, au unaosababisha hali hatari kwa afya ya jamii, usalama, au ustawi, au hatari kwa wanyama, ndege, wanyama pori, samaki, au viumbe vyote vya baharini, mimea au kusababisha hali mbaya ya hewa, upungufu au kizuizi ambacho ni sehemu katika sheria hizi;

“Udongo” kama ilivyo katika sheria ya usimamizi wa Mazingira ya mwaka 2004 maana yake ni pamoja na dunia, mchanga, miamba, miamba tope, madini, uoto wa mimea, mimea na wanyama iliyoko chini ya udongo pamoja na vumbi;

“Vitu hatari” maana yake kama ilivyotafsiriwa katika sheria ya usimamizi wa mazingira ya mwaka 2004, ni kemikali yoyote, taka gesi, madawa, vidonge, mimea wanyama au viumbe hai visivyoonekana ambavyo ni hatari kwa afya ya binadamu, maisha au mazingira;

“Waziri” maana yake ni waziri mwenye dhamana ya serikari za mitaa.

SEHEMU YA PILI

MASHARTI YA UFUGAJI

Wajibu wa 4. (1) Kila mfugaji chini ya Sheria Ndogo hizi; -
mfugaji

- (a) atatakiwa kufuga idadi ya mifugo kama itakavyoainishwa katika kibali chake kitakachomruhusu kufuga kwa kuzingatia ukubwa wa eneo na kuridhika kwamba ufugaji huo hautakuwa kero kwa majirani;
- (b) atatakiwa kufuga ndani ya eneo lake (zero grazing) bila ya kuleta usumbufu kwa jirani zake na jamii kwa ujumla na kuhakikisha sehemu ya kufugia wanyama hao inakuwa safi wakati wote na ana chombo cha kuhifadhi samadi inayotokana na mifugo hiyo;

- (c) anayeishi pembezoni mwa Mji atatakiwa kupidisha mifugo yao katika njia zilizopangwa na kuidhinishwa na Halmashauri;
- (d) atatakiwa kuwa na kadi ya mifugo itakayoonyesha idadi na aina ya mifugo aliyonayo;
- (e) atatakiwa kupeleka mifugo katika majosho kama atakavyoagizwa na Halmashauri;
- (f) atatakiwa kupeleka mifugo yake katika vituo vya chanjo kama itakavyoamuriwa na Halmashauri na atalipia chanjo hiyo kama atatakiwa kufanya hivyo.

Masharti ya 5.
mfugaji

Ni marufuku kwa mfugaji yeyote:-

- (a) kuchunga, kulisha na kunywesha maji mifugo katika maeneo ya mipango miji pamoja na maeneo yote ambayo hayakutengwa kwa ajili hiyo;
- (b) kusafirisha mifugo kwa kuiswaga barabarani;
- (c) kusafirisha au kuhamisha mifugo kutoka eneo moja hadi jingine bila kibali kutoka kwa Halmashauri;
- (d) kuuza au kununua mifugo katika maeneo ambayo siyo mnada, masoko au magilio ya mifugo yaliyoidhinishwa na Halmashauri;
- (e) kufuga mifugo mingi katika eneo dogo la Halmashauri;
- (f) Ni marufuku kwa mfugaji yeyote kupidisha mifugo katika maeneo ambayo hayakuidhinishwa na Halmashauri kupidisha mifugo.

Kudhibiti
mifugo
inayodhu-
rura ovyo

6. (1) Halmashauri itakamata mifugo au mfugo wowote utakaonekana unazurura hovyo katika eneo la Halmashauri ambapo hapajaruhusiwa kuchungia mifugo.
- (2) Mfugo wowote utakaokamatwa utalipiwa faini kama itakavyopangwa na Halmashauri na baada ya kulipia gharama hizo mfugaji atarudishiwa mifugo yake.

- (2) Endapo mwenye mifugo au mfugo hatatokea ndani ya siku saba (7) tangu kukamatwa kwa mifugo hiyo, Mkurugenzi wa Halmashauri atakuwa na haki ya kuuza kwa mnada mfugo au mifugo hiyo baada ya kupata idhini ya Mahakama.
 - (3) Baada ya mauzo, Mkurugenzi atakata fedha za faini, gharama za mnada na gharama za ulinzi na fedha zitakazobaki atapewa mwenye mifugo na kama hataonekana ndani ya siku kumi na nne (14) fedha hizo zitaingizwa katika vyanzo vya mapato ya Halmashauri.
 - (4) Endapo mwenye mifugo hiyo atakuwa na sababu za msingi za kutofika kwake katika muda wa siku kumi na nne (14) Halmashauri itarudisha fedha zake.
 - (5) Endapo kutatokea kufa kwa mifugo au mfugo Halmashauri haitawajibika na ulipaji wa gharama zozote.
- Ukaguzi wa 7. (1) Itakuwa halali kwa Afisa Kilimo na Mifugo, Maafisa Watendaji wa Kata na Vijiji, na Afisa ye yeyote wa Halmashauri atakayeteuliwa kusimamia utekelezaji wa Sheria Ndogo hizi kuingia katika nyumba au jengo lolote wakati wowote kwa madhumuni ya kukagua na kuhesabu idadi ya mifugo iliyomo katika nyumba hiyo..
- (2) Mtu ye yeyote atakayemzuia Afisa Muidhiniwa kutekeleza wajibu wake chini ya Sheria Ndogo hizi atakuwa ametenda kosa.
- Wajibu wa Halma-shauri 8. (1) Ni wajibu wa Halmashauri kutenga maeneo maalum kwa ajili ya shughuli za malisho kwa kuzingatia idadi ya mifugo ndani ya eneo la Halmashauri na kwa mujibu wa Sheria ya Ardhi Sura ya 113 na 114 pamoja na Sheria ya usimamizi wa Mazingira Na. 20 ya mwaka 2004.
- (2) Halmashauri itatenga njia maalum ya kuitisha mifugo kwenda na kurudi malishoni au minadani.
- (3) Halmashauri itafanya sensa ya mifugo na kutoa kadi ya mifugo na elimu ya ufugaji bora kwa jamii.

Sheria Ndogo za (Hifadhi ya Mazingira) za Halmashauri ya Wilaya ya Chemba
Tangazo la Serikali Na. 409 (linaendelea)

- Taratibu za ufügaji 9. (1) Wafugaji wote watatakiwa kuzingatia masharti ya kufuga kama yalivyo katika Sheria Ndogo hizi au Sheria yoyote iliyotungwa na Bunge la Jamhuri ya Muungano wa Tanzania.
- (2) Kila mfugaji atatakiwa kupeleka mfugo au mifugo yake machinjioni au mahali huduma hiyo inapopatikana na itakuwa ni marufuku kwa mtu ye yote kuchinjia nyama mahali pengine popote.
- (3) Ni marufuku kwa mtu ye yote kununua, kuuza au kufanya biashara ya kubadilishana aina yoyote ya mifugo katika eneo lolote la Halmashauri isipokuwa kwenye minada ya magilio yaliyotengwa kwa shughuli hiyo.

SEHEMU YA TATU

KILIMO NA HIFADHI YA ARDHI

- Taratibu za kilimo 10. (1) Mtu atakayetaka kuendesha shughuli za kilimo katika Halmashauri atatakiwa kuzingatia taratibu za kilimo kama zitakavyotolewa na Halmashauri kwa kuzingatia sheria ya Ardhi sura ya 113 na 114 na Sheria nyingine zitakazotungwa na Bunge.
- (2) Itakuwa halali kwa Afisa Kilimo kuingia katika shamba lolote kwa madhumuni ya kufanya ukaguzi na kuhakikisha utekelezaji wa Sheria Ndogo hizi.
- Masharti kwa mkulima 11. (1) Ni marufuku kwa mtu ye yote kulima katika miteremko, karibu na vyanzo vya maji, kandokando ya mito, mabwawa na maziwa au kufanya jambo lolote litakaloharibu hifadhi ya mazingira bila kuzingatia ushauri wa Afisa Kilimo Michango ya jamii.
- (2) Ni marufuku kwa mtu ye yote kutumia kinyume ardhi iliyotengwa kwa matumizi ya kilimo kama ilivyopangwa na kuidhinishwa na Halmashauri.
- (3) Ni marufuku kwa mtu ye yote kusafisha shamba kwa ajili ya kilimo kwa njia ya kuchoma moto isipokuwa kwa kibali maalum kutoka kwa Halmashauri.
- (4) Kibali kitakachotolewa chini ya Sheria Ndogo hizi kitakuwa cha maandishi na kitaonyesha jina la mwenye kibali, tarehe na eneo analotaka kuchoma moto.

Sheria Ndogo za (Hifadhi ya Mazingira) za Halmashauri ya Wilaya ya Chemba
Tangazo la Serikali Na. 409 (linaendelea)

- (5) Muda unaotakiwa kuchoma moto chini ya Sheria Ndogo hizi ni kuanzia saa 12:00 asubuhi hadi saa 4:00 asubuhi.
- (6) Ni wajibu wa Halmashauri kusimamia shughuli za kilimo na kuhakikisha kuwa wanazuia kilimo cha kuhamahama na kuhimiza kilimo cha mzunguko (crops roration).
- Uhifadhi 12. Ni wajibu wa wakazi wa eneo ambalo uoto wa asili au mazingira ya eneo husika yameharibiwa, kuhakikisha kuwa wanalirudisha katika hali yake ya kawaida kwa kupanda miti au kutoendelea kuharibu mazingira na kuwezesha uoto urudi katika hali yake.
- Uchimbaji 13. Ni marufuku kwa mtu yejote kuchimba mchanga katika maeneo yasiyoruhusiwa na Halmashauri kama vile katika maeneo ya makazi ya watu, maeneo yaliyohifadhiwa kando kando ya barabara, mito au ndani ya mto, bwawa au ziwa katikati ya barabara.
14. Ni marufuku kwa mtu yejote kujenga nyumba au jengo lolote katika eneo la hifadhi.
- SEHEMU YA NNE**
HIFADHI YA VYANZO VYA MAJI
- Wajibu wa 15. (1) Halmashauri itawajibika kuanzisha, kusimamia na kulinda vyanzo vya maji.
(2) Maeneo yaliyotajwa katika Jedwali la Sheria Ndogo hizi yamehifadhiwa.
(3) Halmashauri itachukua hatua kali za kisheria dhidi ya mtu yejote atakayeharibu chanzo cha maji au kushindwa kushiriki katika shughuli za kuhifadhi vyanzo vya maji bila sababu ya msingi.
- Kulinda 16. (1) Ni marufuku kwa mtu yejote kulima, kukata miti, kufuga mifugo katika umbali wa mita 60 toka vyanzo vya maji au kufanya jambo lolote linaloharibu kwa namna yoyote chanzo cha maji na hifadhi ya mazingira.
(2) Itakuwa ni wajibu wa Halmashauri kupanda miti isiyonyonya maji katika vyanzo vya maji kwa kuzingatia maelekezo ya Afisa Misitu.

- (3) Ni marufuku kwa mtu yejote kumiliki eneo la chanzo cha maji isipokuwa Halmashauri.
- Uchafuzi wa vyanzo nya maji 17. (1) Ni marufuku mtu yejote, kiwanda, taasisi, shirika kuelekeza mabomba ya maji machafu kwenye mito, mabwawa, ziwa, visima, mifereji, chemichemi au sehemu yoyote ambayo ni chanzo cha maji kwa ajili ya matumizi ya binadamu na wanyama au viumbe vingine viliyyo hai.
- (2) Ni marufuku mtu yejote kuweka kituo chochote chenye sumu ndani ya maji ambayo yanatumiwa na binadamu au kiumbe chochote hai.
- SEHEMU YA TANO**
HIFADHI YA MISITU
- Kuchoma au kusababisha moto 18. (1) Ni marufuku kwa mtu yejote kuchoma misitu kwa namna yoyote ile katika misitu iliyoko eneo la Halmashauri.
- (2) Iwapo moto utatokea katika eneo la Halmashauri, kiongozi wa eneo husika atawajibika kutoa ishara ya hatari kwa kutumia njia iliyozoleka kuamuru wakazi wa eneo hilo kwenda kuzima moto huo unapoonekana kuwa na madhara kwa maisha, mali za watu na uharibifu wa mazingira katika eneo hilo.
- (3) Kila mkazi wa eneo hilo atawajibika kushiriki katika zoezi la kuzima moto huo endapo atatakiwa kufanya hivyo, kama atashindwa kushiriki katika kuzima moto bila sababu ya msingi atakuwa ametenda kosa.
- Kibali cha kuchoma moto 19. Mtu yejote aliyepata kibali cha kuchoma moto atalazimika kutoa taarifa ya siku saba (7) kabla ya kuchoma moto kwa majirani walioko katika eneo analotaka kuchoma na ataweka njia za kuzuia moto.
- Ukataji miti 20. (1) Ni marufuku kwa mtu yejote kukata miti katika maeneo ya misitu iliyohifadhiwa kwa ajili ya matumizi ya aina yoyote bila kupata kibali kutoka Halmashauri.
- (2) Halmashauri itatakiwa kuhakiki kama miti inayovunwa imekomaa na inafaa kwa ajili ya matumizi.

- (3) Ni marufuku kwa mtu ye yeyote kuvuna miti katika msitu ambao umehifadhiwa kwa ajili ya viumbe maalum ambao ni rasilimali kwa Taifa.
- (4) Watu wanaovuna miti kwa ajili ya kuchoma mkaa watatakiwa kuwa na eneo maalum lililoidhinishwa na Halmashauri kwa ajili ya kuchoma mkaa.
- Wajibu wa 21. Kila mkazi wa Halmashauri atawajibika:-
kupanda miti
(a) kupanda na kutunza miti katika eneo lake;
(b) kupanda na kutunza miti katika shamba au mashamba anayomiliki.
22. Kwa mujibu wa Sheria Ndogo hizi kila kijiji:-
(a) kitawajibika kutenga eneo la hifadhi ya misitu wa asili kwa ajili ya matumizi ya baadae;
(b) kitalazimika kutunza miti yote inayopandwa katika eneo la kijiji;
(c) kitahakikisha ya kuwa kila kaya inapanda miti isiyopungua kumi kwenye eneo la nyumba yake;
(d) mtu ye yeyote anayetaka kukata miti au mti wa matumizi yakuchonga vifaa, kujenga nyumba, kutengeneza zizi na shughuli nyinginezo, inabidi apate kibali cha maandishi toka kwa mwenyekiti wa kijiji, mtendaji wa kijiji na kibali cha Afisa Maliasili wa wilaya au wasaidizi wake kwa miti iliyopanda na kuhifadhiwa na Halmashauri ya wilaya;
(e) kinapaswa kutenga na kupanda shamba la miti ekari 2 kila mwaka na kulitunza;
(f) kila shule au taasisi nyingineyo wilayani itapaswa kupanda miti ya kukinga upepo kuzunguka majengo yake na kuwa na shamba lisilopungua miti hektar 2;
(g) kijiji kitapaswa kutunza na kuhifadhi miti na nyasi kwenye milima, makorongo na vyanzo vya maji ili kuzuia mmomonyoko wa udongo;
(h) kijiji kitahakikisha kuwa kila anayeandaa shamba kwa ajili ya kilimo hatumii moto na anapanda miti kwenye mipaka ya shamba lake kama kinga upepo;

- (i) kila mtu mwenye nyumba kwenye mji mdogo atawajibika kupanda miti kando ya barabara inayopita mbele ya nyumba yake na kuitunza;
- (j) kila Mwenyekiti wa kitongoji, Mtendaji wa kijiji, Mkuu wa taasisi yoyote Wilayani atahakikisha kuwa kijiji au taasisi ina msitu wa hifadhi wa miti ya kupandwa au ya asili iliyotengwa kwa madhumuni ya kuhifadhi ardhi, mazingira na matumizi ya baadaye.

SEHEMU YA SITA

MAKOSA NA ADHABU

Makosa yanayohusu mifugo	23.	Mtu yeyote atakuwa ametenda kosa ikiwa: (a) ataingiza mifugo katika eneo la Halmashauri bila kibali; (b) atasafirisha mifugo bila kuwa na kibali; (c) atalisha mifugo katika maeneo yasiyoruhusiwa; (d) atafuga mifugo zaidi ya idadi iliyoruhusiwa; (e) atavua samaki kwa kutumia sumu au nyavu zenyenye matundu madogo (kokoro).
Makosa yanayohusu kilimo	24.	Mtu yeyote atakayekiuka masharti ya kilimo, kuchimba mchanga, kokoto, madini katika maeneo yasiyoruhusiwa na Halmashauri atakuwa ametenda kosa.
Makosa yanayohusu kuhifdh ardhi	25.	Mtu yeyote atakayekiuka masharti ya kuhifadhi ardhi atakuwa ametenda kosa.
Makosa yanayohusu vyanzo vya maji	26.	(1) Mtu yeyote atakayeharibu vyanzo vya maji au kushindwa kushiriki katika shughuli za kuhifadhi vyanzo vya maji atakuwa ametenda kosa. (2) Mtu yeyote atakayebainika kuwa ameweka sumu ya aina yoyote kwa namna yoyote ambayo inaathiri maisha ya binadamu na viumbe wengine ambao ni rasilimali ya Taifa atakuwa ametenda kosa.
Makosa yanayohusu kuharibu misitu	24.	Mtu yeyote atakuwa ametenda kosa ikiwa:- (a) atachoma au kusababisha moto katika msitu bila kibali, au (b) atashindwa kushiriki katika kuzima moto, au (c) atavuna mazao ya misitu katika misitu

- iliyohifadhiwa isiyohifadhiwa bila kibali; au
- (d) atachoma mkaa na kukata kuni bila kibali; au
 - (e) atafyeka nyasi, kung'oa vichaka na kung'oa visiki kwenye eneo bila kibali; au
 - (f) atachunga mifugo kwenye eneo lolote lililopandwa miti iliyohifadhiwa kama bustani ya miti;
 - (g) atakata miti, au kuchungia mifugo kwenye miti iliyopandwa kwa ajili ya kuzuia mmomonyoko wa udongo au kinga upepo;
 - (h) atabandua magome ya miti kwa ajili ya kutengeneza vilindo, mzinga na vitu vingine bila ya kuwa na kibali;
 - (i) atalima au kukata miti katika vyanzo vya maji, milima, kando ya njia, makorongo na sehemu nyingine zozote zinazohifadhiwa ili kupunguza mmomonyoko wa udongo.

adhabu 25 Mtu yejote atakayevunja masharti yaliyowekwa na Sheria Ndogo hizi atakuwa ametenda kosa na akipatikana na hatia atatozwa faini isiyozidi shilingi laki tatu (Tshs.300, 000) au kifungo kisichozidi miezi kumi na mbili jela au adhabu zote mbili kwa pamoja yaani faini na kifungo.

JEDWALI LA KWANZA

ADA YA KIBALI CHA KUINGIZA MIFUGO

	AINA YA MFUGO	KIWANGO CHA ADA YA KIBALI
1.	Ng'ombe	Tshs 5,000 kwa kila moja
2.	Mbuzi	Tshs 250 kwa kila mmoja
3.	Kondoo	Tshs 250 kwa kila mmoja
4.	Nguruwe	Tshs 250 kwa kila mmoja
5.	Punda	Tshs 250 kwa kila mmoja

JEDWALI LA PILI

ADA YA VIBALI MBALIMBALI

	AINA YA MFUGO	KIWANGO CHA ADA YA KIBALI
1.	Kibali cha kusafisha shamba jipyaa	Tshs 50,000/= kwa ekari
2.	Kibali cha kukata Mtii	Tshs 1,000/= kwa kila mtii

Sheria Ndogo za (Hifadhi ya Mazingira) za Halmashauri ya Wilaya ya Chemba
Tangazo la Serikali Na. 409 (linaendelea)

**JEDWALI LA TATU
USHURU WA KUSAFIRISHA MIFUGO NDANI YA WILAYA**

NA.	AINA YA SOKO	AINA YA MNYAMA	USHURU
1.	Ndani ya Wilaya	Ngo”ombe/Ngamia	Tshs 1,000/=
2.		Mbuzi/Kondoo/Punda	Tshs 500/=
3.		Nguruwe/Farasi/Ng”ombe/Ngamia	Tshs 500/=
4.	Nje ya Wilaya	Ngo”ombe/Ngamia	Tshs 1,500/=
		Mbuzi/Kondoo/Punda/Nguruwe/Farasi	Tshs 500/=

JEDWALI

S/NA	AINA YA MIFUGO	ADHABU(TSHS)KWA KILA MFUGO
1	Ng”ombe	5,000/=
2	Mbuzi	2,000/=
3	Kondoo	2,000/=
4	Nguruwe	2,000/=
5	Mifugo mingine	2,000/=s

Nembo ya Halmashauri ya Wilaya ya Chemba ilibandikwa kwenye Sheria Ndogo hizi kufuatia Azimio la Mkutano wa Halmashauri ya Wilaya ya Chemba uliofanyika tarehe 25 mwezi 04 mwaka 2014, Muhtasari Na. 11/2013/2014 mbele ya:-

DR. WILLIAM D. MAFWERE,
Mkurugenzi Mtendaji
Halmashauri ya Wilaya ya Chemba

MHE. RAJABU,
Mwenyekiti wa
Halmashauri ya Wilaya ya Chemba

NAKUBALI,

Dodoma,
8 Julai, 2015

MIZENGO PETER PINDA (Mb.),
Waziri Mkuu